

Fundargerð

15. fundur svæðisráðs um gerð strandsvæðisskipulags á Vestfjörðum.
18. nóvember 2022 klukkan 11:00 í fundarsal Skipulagsstofnunar, Eldgjá.

Mætt:

Magnús Jóhannesson (MJ), formaður svæðisráðs stýrði fundi.

Aðrir fulltrúar svæðisráðs: Aðalsteinn Óskarsson (AÓ), Ásta Þorleifsdóttir (ÁP), Freydís Vigfúsdóttir (FV), Guðfinna M. Hreiðarsdóttir (GMH), Hafdís Sturlaugsdóttir (HS), Hreinn Hrafnkelsson (HH) og Lilja Magnúsdóttir (LM). Einnig sat fundinn Hjalti Jón Guðmundson, varamaður FV.

Frá Skipulagsstofnun: Ester Anna Ármannsdóttir (EAÁ) og Hrafnkell Á. Proppé (HÁP), sem ritaði fundargerð. Ólafur Árnason forstjóri Skipulagsstofnunar og Greipur Gísli Sigurðsson sérfræðingur hjá Vegagerðinni sátu fundinn í upphafi undir 1. lið

MJ setti fund og gengið var til dagskrár.

Dagskrá fundar:

1. Kynning á vinnu starfshóps um öryggi siglinga

Í kjölfar viðbótarumsagna Vegagerðar og Samgöngustofu dags. 4. nóvember 2022 setti innviðaráðherra á starfshóp um öryggi siglinga. Starfshópurinn er undir stjórn forstjóra Skipulagsstofnunar og að auki skipaður sérfræðingum frá Vegagerðinni og Samgöngustofu. Starfshópnum er ætlað það verk að bregðast við þeim atriðum sem dregin voru fram í viðbótarumsögnum Samgöngustofu og Vegagerðarinnar og varða áhrif einstaka reiti fyrir staðbundna nýtingu á öryggi siglinga. Starfshópurinn mun ýmist setja fram ábendingar um breyttar útfærslu í auglýstri tillögu strandsvæðisskipulags eða koma með tillögur um viðunandi mótvægisáðgerðir til að tryggja öryggi siglinga.

Ólafur Árnason og Greipur Gísli Sigurðsson sögðu frá vinnu hópsins. Farið var yfir þá reiti sem starfshópurinn er að skoða og þau atriði sem hópurinn telur að breyta þurfi áður en svæðisráð samþykkir endanlega tillögu að strandsvæðisskipulagi Vestfjarða. Ólafur og Greipur greindu frá þeim mótvægisáðgerðum sem eru til skoðunar og snerta breytingar á siglingamerkjum.

Nokkrar umræður voru um þær tillögur sem starfshópurinn er að móta. Gert er ráð fyrir að starfshópurinn skili endanlegum tillögum um miðja næstu viku. svæðisráð mun í framhaldinu taka þær til umfjöllunar sérstaklega.

Ólafur og Greipur yfirgáfu fundinn.

2. Tillögur Skipulagsstofnunar um viðbrögð við framkomnum athugasemdum.

Fyrir fundinum lágu tillögur Skipulagsstofnunar um viðbrögð við innkomnum athugasemdum. Athugasemdir hafa verið flokkaðar eftir efnisatriðum. Farið var yfir hvert og eitt atriði, þær rædd efnislega og í sumum tilvikum settar fram ábendingar um inntak og orðalag.

Undir efnisflokknum siglingar kom fram að þær tillögur sem nú liggja fyrir kunni að breytast þegar starfshópur um öryggi siglinga hefur skilað af sér. Fulltrúi matvælaráðuneytisins (FV) lagði fram eftir farandi bókun þegar kom að umfjöllun um siglingar:

„Allt er varðar siglingar og það sem við kemur vinnu starfhópsins (Vegagerðar og Samgöngustofu) tókum við ekki efnislega afstöðu til í ljósi þess að okkur hafa ekki borist gögn máls til að rýna og kynna fyrir ráðherra.“

Einnig óskaði fulltrúi matvælaráðuneytisins (FV) að koma á framfæri eftirfarandi ábendingu varðandi verklag:

Í vinnu svæðisráðs hefur tímalínan verið þannig að gögn hafa verið að berast fulltrúum seint fyrir fundi sem gerir erfitt um vik að fara yfir efnið, kynna ráðherra og taka afstöðu. Við þetta gerir matvælaráðuneytið athugasemd.

Með hliðjón að umræðum um einstaka athugasemdir mun Skipulagsstofnun móta tillögur að viðbrögðum svæðisráðs við innkomnum athugasemdum. Þær tillögur verða til afgreiðslu á fundi svæðisráðs þann 7. desember og verða sendar til fulltrúa svæðisráðs viku fyrir þann fund.

3. Samantekt á þeim viðbrögðum við innkomnar athugasemdir sem leiða til breytinga á auglýstri tillögu.

Skipulagsstofnun hefur tekið saman öll þau tilvik sem viðbrögð við innkomnum athugasemd kunna að leiða til breytinga á auglýstri tillögu. Svæðisráð mun hafa þá samantekt til hliðsjónar þegar kemur að afgreiðslu á endanlegri tillögu 7. desember nk.

4. Önnur mál.

Formaður svæðisráðs lagði til að haldinn yrði aukafundur á Teams mánudaginn 28.11. Á þeim fundi verður farið yfir fyrirliggjandi tillögur starfshóps innviðaráðherra um öryggi siglinga og hvaða áhrif það kann að hafa á viðbrögð við innsendum athugasemdum varðandi siglingar. Tillagan var samþykkt og mun Skipulagsstofnun boða fundinn.

Ákveðið var að fundargerð yrði send fulltrúum í tölvupósti til samþykktar.

Fleira var ekki gert, fundi var slitið klukkan 16:00